



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՇՈՒԿԱՅԻ ՎԵՐԱՀԱՅՈՂՈՒԹՅԱՆ ՏԵՍԶԱԿԱՆ ՄԱՐՄԻՆ

Ո Ր Ո Շ ՈՒ Մ N_415
Տուգանք նշանակելու մասին

25.10.2023թ.

ք. Երևան

Քննելով տեսչական մարմնի կողմից 2023թ. օգոստոսի 29-ի N 581-Ա հրամանով

«ԱՆՆՄԱՆ ԱՂԱԲԱԲՅԱՆ ՄԻՀՐԱՆԻ» Ա/Ձ-ում /ՀՎՀՀ՝ 35057287/

Տնտեսվարող սուբյեկտի անվանումը

կատարված ստուգման նյութերը (ստուգման ակտ N 581-Ա կազմված 13.10.2023թ., խախտումների մասին 03.10.2023թ. արձանագրությունը և այլ նյութերը), որոնցով բացահայտվել է, որ Ա/Ձ-ն իրականացնում է երեխաների և դեռահասների համար նախատեսված արտադրանքի ներմուծում և մանրածախ վաճառք ՀՀ Կոտայքի մարզ, գ. Առինջ, Բ թաղամաս 1-ին փ., 387 տաղավար հասցեում:

Ստուգումն իրականացվել է ՀՀ կառավարության 6 հունիսի 2019 թվականի N 730-Ն որոշմամբ հաստատված «Երեխաների և դեռահասների համար նախատեսված արտադրանքի անվտանգության ստուգման վերաբերյալ» ստուգաթերթի հիման վրա:

Ստուգման ընթացքում պարզվել է, որ ներմուծված երեխաների և դեռահասների համար նախատեսված բոլոր արտադրանքները, բացառությամբ Թուրքիայից ներմուծված արտադրանքների, 01.07.2020թ.-ից մինչև 08.05.2023թ. ընկած ժամանակահատվածը իրացվել են առանց համապատասխանության գնահատման փաստաթղթերի, որպեսզի զանցանքը նախատեսված է ՎԻՎ օրենսգրքի 188-րդ հոդվածի 2-րդ մասով:

Տեսչական մարմնի ղեկավարի կողմից խախտումների և թերությունների վերացման ուղղությամբ կարգադրագիր չի արձակվել, քանի որ խախտումը կատարվել է նախկինում:

Փաստացի խախտվել է Մաքսային միության հանձնաժողովի 2011 թվականի սեպտեմբերի 23-ի N797 որոշմամբ հաստատված «Երեխաների և դեռահասների համար

նախատեսված արտադրանքի անվտանգության մասին» տեխնիկական կանոնակարգի 3-րդ հոդվածի 1-ին կետի պահանջը:

Նշված իրավախախտման համար ըստ պատասխանատու է հանդիսանում՝

Աննման Միհրանի Աղաբաբյանը

իրավախախտողի անունը, ազգանունը, պաշտոնը

ՀՀ, ք. Երևան, Շահումյան 6 փ., տ. 39

մշտական բնակավայրը և հասցեն

Վարչական իրավախախտման վերաբերյալ արձանագրությունը կազմելիս վարչական պատասխանատվության ենթարկվող անձին բացատրվել է «Վարչական իրավախախտումների վերաբերյալ» ՀՀ օրենսգրքի 267-րդ հոդվածով նախատեսված նրա իրավունքներն ու պարտականությունները, որի համաձայն «վարչական պատասխանատվության ենթարկվող անձը իրավունք ունի ծանոթանալու գործի նյութերին, բացատրություններ տալու, միջնորդություններ հարուցելու, գործի քննության ընթացքում օգտվելու փաստաթանի իրավաբանական օգնությունից, ելույթ ունենալու մայրենի լեզվով և օգտվելու թարգմանչի ծառայություններից, եթե չի տիրապետում այն լեզվին, որով տարվում է վարույթը գանգատարկելու գործով որոշումը»:

Ղեկավարվելով սույն հոդվածով՝ վարչական պատասխանատվության ենթարկվող անձին բացատրվել է, որ գործը կարող է իր բացակայությամբ քննվել միայն գործի քննության տեղի և ժամանակի մասին նախապես ծանուցված լինելու դեպքում, եթե նրանից միջնորդություն չի ստացվել գործի քննությունը հետաձգելու մասին:

Վարչական պատասխանատվության ենթարկվող անձը պատշաճ ծանուցվել է ՀՀ շուկայի վերահսկողության տեսչական մարմնում 25.10.2023թ.-ին ժամը 11:00-ին կայանալիք վարչական գործի քննությանը, սակայն չի ներկայացել դրան և ղեկավարվելով վերոնշյալ հոդվածով գործը քննվել է նրա բացակայությամբ:

Վարչական իրավախախտումների վերաբերյալ Հայաստանի Հանրապետության օրենսգրքի 32-րդ հոդվածին համապատասխան իրավախախտում կատարած անձի նկատմամբ վարչական տույժը որպես վարչական պատասխանատվության միջոց կիրառելիս հաշվի են առնվել կատարված իրավախախտման բնույթը, նրա անձը, մեղքի աստիճանը, գույքային դրությունը պատասխանատվությունը մեղմացնող և ծանրացնող հանգամանքները:

Ղեկավարվելով Վարչական իրավախախտումների վերաբերյալ Հայաստանի Հանրապետության օրենսգրքի 32-րդ հոդվածի 2-րդ մասով, 33-րդ հոդվածով, 34-րդ հոդվածով, 244.7 հոդվածով, 279-րդ հոդվածով, 281-րդ հոդվածով և 282-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Տվյալ իրավախախտման համար պատասխանատու Աննման Միհրանի Աղաբաբյանի նկատմամբ կիրառել Վարչական իրավախախտումների վերաբերյալ Հայաստանի Հանրապետության օրենսգրքի 188-րդ հոդվածի 2-րդ մասով նախատեսված պատասխանատվության միջոցը, սահմանել տուգանք 160 000 /մեկ հարյուր վաթսուն հազար/ ՀՀ դրամի չափով:
2. Տուգանքը պետք է վճարվի **Պետական բյուջե 900005024014 հ/հ:**
3. Տուգանք նշանակելու մասին որոշման հարկադիր կատարումը իրականացվում է «Վարչարարության հիմունքների և վարչական վարույթի մասին» ՀՀ օրենքի 5-րդ բաժնի դրույթներին համապատասխան:
4. Սույն որոշումը կարող է բողոքարկվել ուժի մեջ մտնելու օրվանից երկու ամսվա ընթացքում Վարչական դատարան:

ՏԵՍՉԱԿԱՆ ՄԱՐՄՆԻ ՂԵԿԱՎԱՐ՝



ԱՐՄԵՆ ԿՈՏՈԼՅԱՆ